

四庫全書

史部

欽定四庫全書

萬壽盛典初集卷一百十八

歌頌五十八生監諸臣九

萬壽詩

五言排律十二韻

生

員臣程宜瑛

瑞靄浮

金闕祥光耀

紫宸九天舒化日萬國慶靈椿秩秩歌天保綿綿頌

錫純長庚明綵仗花甲應芳辰

帝德穹蒼竝

皇仁雨露均珠囊弘擢秀珊瑚備蒐珍造士聯奎壁徵
才集鳳麟龍門爭跋浪雁塔喜超塵春苑鳴革
鹿秋風躍藻鱗藝林揚盛典海宇拜

恩綸詞進華封祝懽同虎觀臣謳吟億萬載長奉太平

春

萬壽詩 五言排律六韻

生

員臣潘止敬

帝闢陽春麗

皇都紫氣浮天官推厯永甲子紀年周人慶南星拱
恩從太液流

德同天地大

福與海山侔瑞靄蓮三島形雲映十洲瓊僊齊獻果海

屋喜添籌

金匱要略全書

卷一百十八

萬壽詩 五言排律六韻

生

員臣李基溥

聖主膺三祝羣臣進九疇紅雲春殿繞紫氣玉階浮萬

國采韻譯千官拜

冕旒湛恩深薄海甘露灑瀛洲丹鳳明廷集祥麟上苑

遊泰階調玉燭千載奠金甌

金石四庫全書



卷一百十八

萬壽詩

五言排律六韻

生

員臣左文言

聖人稱有道

天子慶長年蓂莢迎春長珊瑚映日鮮十年增虎榜一

歲看蟬聯香裊金猊案衣籠

御座煙龍門翻浪暖驥足著鞭先願上岡陵頌吹噓到

九天

金文四庫全書

卷一百十八

萬壽詩

七言律一首

生

員臣沈謨

繞電流虹慶大椿甄陶萬彙藉洪鈞望來天上
昭雲漢化徧人寰起鳳麟三月欣逢桃浪暖一
枝先試杏林春敢將

聖主賢臣頌還向堯樽祝

紫宸

萬壽詩

七言律一首

生

員臣沈之錫

五色雲光映

紫宸弘開闔闔集冠紳文章蔚起山河秀壽域長瞻天
地新雁塔名題秋月桂鹿鳴宴錫杏林春太平
天子崇文教繡繪山龍集鳳麟

欽定四庫全書

卷一百一十八

卷一百十八

萬壽賦

生

員臣殷譽慶

猗惟我

皇與天同壽道極高深恩均載覆弘仁則參贊施生至
德則彌綸宇宙以生民未有之聖人開萬世無
疆之崇構維久道之化成統寰區而教富既治
理之郅隆亦賢才之輻輳蒐羅盡巖穴之士攬
擷備山川之秀

天章聿炳於昭回棫樸早儲夫薪槱文明當紀綱之時
運會際昇平之候蓋

聖作物覩之昌期實曠古今而希邁是以四海宴安世
臻熙皞五風十雨天不愛道器車馬圖地不愛
寶圓來一角之麟厨扇蕙蒲之草乃

聖心不侈夫禎祥惟期得俊民而子孫永保宜英傑之
挺生若水流濕而火就燥惟輔弼之皆賢贊久
安之治道承筐爰詠夫鹿苹飲酒載歌夫魚藻

苟一枝之有長莫不向

大廷而抒其懷抱爾乃

訓誡弘宣廣頒條約鼓勵真儒褒崇正學士先觀其器
識習無取乎能薄煩

謨誥之諄諄蓋統君師而揚夫教鐸自此文受範模行
循桀竇誦法古先尋求奧博苟能績學以種文
莫不離蔬而釋屨盡辟雍之與頰宮相率歡欣
而頌作縱極蠡管之測窺亦安能形容海天之

約畧茲者慶逢周甲律轉洪鈞祥開天地歡動
臣民正純禧之大屆更景福之維新春生有脚
澤被無垠將敷天之錫祉尤殷情於樹人

特行曠典興我嘉賓禮闈棘院竝舉非頻應斯科而獲
雋虛儒席以聘珍於是殫思頌禱悉意敷陳唐
虞遜德此後無論維川淵卉維嶽嶧嶢維日月
光華維雨露施仁合而擬之仍不足以盡我

皇之聖神宜乎天眷令德保佑重申卜年卜世萬祺千

春

萬壽詩 七言律一首

生

員臣 田掄元

泰運弘開正艷陽 萬方歡慶

壽無疆 鶯聲曉轉春城柳 花氣風傳

御苑香威鳳祥麟 来玉闕 蜻桃碧鵝進 瑶觴作人幸際

文明世虎拜懼呼向建章

萬壽詩

七言律一首

生

員臣吳士雍

慶雲瑞靄滿皇州獻壽南山對冕旒衡嶽祥煙

浮北闕鈞天廣樂下儂樓

九重樂育弘施納萬國衣冠集貢球此日臣民齊拜手
皇恩浩蕩莫能酬

萬壽詩 五言排律十二韻

生

員臣田多稼

至德千春茂陽和萬國同山川騰瑞靄人物樂條風錫
慶周天壤霑恩徧叟童長庚光炯灼泰岱勢籠
崧紫氣函關外丹砂蓬島中河清歌有道物阜
兆恒豐德與年加進心隨耳順通華封歌正祝
願後典尤崇自是唐虞盛應收屏翰功羣儒爭
起鳳多士盡飛熊造物呈靈異神明感

帝聰瞻

天歌化日率土盡呼嵩

萬壽詩 五言排律 十四韻

生

員臣陸壽登

聖主稱觥日鄉書特貢年雲間敷五色桃實艷三千淑

氣迎

宸幄箭韶徹

御筵苑鶯聲百囀宮柳日三眠海屋崇堯算薰風鼓舜

絃神靈原首出濬哲自心傳揮管龍蛇動摛詞

金石宣

天章燦奎璧

睿藻煥山川形勝勤周覽威靈溥幅員河平安澤洞刑
措慶生全吏績咨諭徧民脂萬億蠲

弘恩遐邇暢

特典譽髦宣射策春秋接掄才冰鑑懸儒生羣抃舞遙

獻九如篇

萬壽詩 五言排律十韻

生

員臣徐九臯

禎祥新

聖歷奎璧燦文光芒快觀光華被欣逢景運昌化成緣久
道風動竊遐荒工尚傳先黎農猶服舊疆鳶魚

歸

帝澤雲漢爛

天章闔闔絲綸下

王言渙汗揚春桃三波浪秋桂八枝芳一鑑無遺照千

年有道長仁賢綿

國脈魚藻進霞觴抃舞南山祝欣逢鶴鷺行

萬壽詩

五言排律十二韻

生

員臣陸汝賢

青禁五雲連嵩呼億萬年

聖人新甲子寶籙永坤乾淑氣驪黃道祥光接翠旛星

辰華蓋轉日月

袞衣懸瑞律調

皇極薰風協帝絃醞來瓊醴熟擎出絳桃鮮金鑑千秋

錄瑤池萬歲筵遠臣羅貢篚近侍挹爐煙聲教

千巖接光華八表傳謳吟盡童叟歡洽徧山川
鵠鶴來時奮菁莪被澤宣小臣欣拜頌翹首祝

堯天

萬壽詩 五言排律十二韻

生

員臣李東櫟

聖壽春臺麗賓興萬國同奎光浮宛委道氣接崆峒異
數聯三榜洪鈞轉八風獻琛金管艷充賦紫泥
融共荷甄陶澤羣資化育功杏花鳩鵠觀桂樹
藥珠宮百寶投

淵鑒千英簡

帝衷球圖添甲乙竹箭富南東太史河成鏡文昌宿吐

虹彈冠欣宴鎬珥筆願呼嵩函德芝生殿朝陽
鳳萃桐綿綿增介祉申錫自蒼穹

萬壽詩 五言排律十二韻

生

員臣史薰義

運泰敷文治時清兆歲豐堯天歌

帝力禹甸仰

皇風耕織安田野詩書廣學宮星雲輝域外雨露浥寰
中喜值青陽轉欣看紫氣叢千官齊祝嘏萬國
盡呼嵩棫樸收髦士菁莪溥化工衣霑楊柳綠
帽壓杏花紅庶類歸陶鑄羣材樂洽融

殊恩光史冊

大德配蒼穹薄海謳歌徧巖廊喜起同龢喈鳴盛世巷

祝達

宸聰

萬壽賦

生

員臣顏欽契

天鑒

帝之令德兮紛錫予以禎祥鹿銜芝以獻壽兮鸞鶴下
而迴翔摘曼倩之僊桃兮羞王母之瑞觴歲星
見於南極兮占鼓翼而角芒惟

聖人之卜算兮參覆載而無疆開闔闔於雲表兮香煙
凝以成蓋儼

九重之春色兮觀

天顏之仁藹衣冠集而趨拜兮夏鸞聲之噦噦受萬國
之共球兮雜南金與大貝洵六合以為家兮環
九州而如帶御雲爛而且復旦兮厥惟時之泰
也耕鑿適而利其利兮膏澤未有艾也沐時雨
以發榮兮芝蘭茁而滋華猗桃李之芳菲兮披
惠風而交加惟賢才之衆多兮叶周南之免置
彼姝子之在浚兮保貞白而待年高予冠之峩

峩兮長予佩之翩翩漱六經之芳潤兮組百氏
而窮研夢寸管之生花兮思滔滔而湧泉抱美
玉以求售兮冀中選於青錢幸遭逢夫堯舜兮
歌明良於喜起擷江蘿與杜若兮

詔旁求而未已爰一歲而再試兮致才人於金阤開將
軍之武庫兮霜飛清而電紫弘百年之化育兮
允薪槱之媲美士彈冠而致慶兮茅連茹而彙
征麗奎璧之璀璨兮拱北極而耀長庚俾金甌

之永奠兮調玉燭以長明頌

聖壽之綿綿兮對南山而稱觥採下里之謳歌兮將以

效夫載賡

萬壽賦

生

員臣金澤茂

一人有慶兆民永寧我

皇御極五十有二業咸五而登三德參天而兩地數成
功與文章蓋指不可勝記一哉

王心尚不遑寐勤勤懇懇安懷素志方灼之以憂勞鍛
之以仁義鍊之以小心鎔之以淵悉已安而益

求其安已治而更希其治恭逢甲子之初周共慶

萬壽之無疆百爾咸集萬國趨蹠當

天壽之方增正人文之蔚昌乃設特科舉英賢四門闢
文教宣期轉甲乙於春秋例定昌辰於十年爰
瞻濟濟風接雲連東箭偕南金咸利雕龍共繡
虎爭先時則仙李舒榮露桃呈秀色映蓬萊光
吐奎宿文星向長庚而耀彩南極拱天樞而稱

壽祝

天子於萬年如松柏之長茂既民人之咸宜自申命而

保佑

欽定四庫全書

卷一百十八

萬壽賦

生

員臣許祖護

道超今古

德邁唐虞

皇仁遠播大澤旁敷草木滋榮於化日士民鼓腹於康衢爾乃歲逢癸巳令協勾芒律中姑洗治洽青

陽登

大年兮三月既望祝

聖人兮萬壽無疆耀貞觀之日月頌孔固之陵岡振嵩呼於輦轂集車書於遐方於是

特頒綸綺用廣制科東南之竹箭欲盡牛斗之光氣猶多指南山兮獻壽觴北斗兮陳歌玉燭賡兮山河固金甌叶兮歲華新鞏基天保竝神仙而不老吐納元和偕民物以俱春

萬壽賦

生

員莊 標

皇奠九宇繼天立極保合太和萬邦是式惟久道其化
成協天人而胥悅闢賢闕開壽域扇仁風覃惠
澤握金鏡調玉歷兼容并包盛德大業稽上古
而無儔按史冊而罕匹臣何人斯能窺測其萬
一也緬維易著元吉詩樂嘉賓禮徵大順書稱
俊民凡六經之所載典莫大乎作人故聖作物

觀靡不尊親濟濟多士景附響臻鍾川岳之英
異集海宇之奇珍咸拜稽於

北闕願爭效乎

紫宸殆將竝日月以有永統四時而皆春者矣然而
至德難名

神功不有渺喬松之虛無惟敬勤之益懋念樹人之為
亟更儲材於林藪誠所謂得士者昌惟仁者壽
歟爾迺雲漢昭回奎躔朗映開明堂而朝百辟

布陽和以順時令六位昌三階正上下交人文
盛羣公御士踴躍歡幸明哉良哉以歌以詠乃
歌曰

帝德廣運兮與天無極行健永貞兮自強不息海隅日
出兮悉主悉臣梯航萬國兮重譯來賓所寶惟
賢兮以康兆民千秋萬歲兮長奉

聖人

金匱要略

卷一百十八

萬壽詩 五言排律十四韻

生

員臣李弘迪

太和凝紫氣南極煥星芒鳳閣春風暖龍樓旭
日光籌添甲子徧算衍地天長洞府滋僊李瑤
池酌玉漿嵩呼呈藹吉川至衍嘉祥共效華封
祝齊賡天保章升恒如日月陶淑賴

君王

詔自金門下才憑玉尺量杏花舒異彩桂蘂吐奇香連

始歌征吉遼才慶濟蹠仙班聯玉笋雲馭擁鸞
鳳治化敷寰宇裁成暨朔荒藜光同照灼湛露
共汪洋值此文明代休徵仰喬皇

萬壽詩 七言排律 八韻

生

員臣邢鼎

鴻開運會發禎祥

元后懷柔協萬方富
有日新昭大業化成久道燦弘章
已偕品物陽和布更樂英賢教澤長
十里杏紅霑湛露千江桃浪湧瓊漿
縣飛鶴驚誇題雁爭
握珠璣溢佩囊五鳳樓頭明錦翠
萬年枝上炳霞光譽髦濟濟胥稱瑞
玉帛紛紛共獻觴

大德懋昭天眷佑純禧永錫正無疆

萬壽詩 七言律一首

生

員臣何觀國

聖人有道歷無疆大德隆施邁百王萬國衣冠瞻炳蔚
九天奎璧燦文章欣看藥榜登龍虎喜見儂班舞鳳凰

共祝

堯年齊泰岱上林棫樸沐

恩光

錄定四庫全書

卷一百十八

萬壽詩七言律一首

生

員臣郭從先

玉殿春和淑氣催千官驚序祝臺菜琳琅韻叶
鈞天樂變韻香凝承露臺丹鳳銜書蓬島出紅
綾裏餅曲江來上林有樹寒鴉借願拜

龍墀獻壽杯

萬壽詩

七言律一首

生

員臣王貞恒

南極昭回護紫宮玉階仙莢鬱青葱九衢淑氣
瞻雲日千載昌期祝華嵩上苑琪花濡雨露高
岡彩羽拂梧桐遙呼

萬壽情何已天保陳詩愧未工

金匱要略

卷一百十八

萬壽詩 七言律二首

生

員臣 陸廷墀

巍巍

帝德出乘乾治法還兼道法傳正大

皇圖真邁古光明

睿學足開天五雲擁瑞

龍顏喜三月書祥鳳紀妍草莽微臣何所頌無疆

寶祚祝年年

其一

鷺羣蹠濟立螭頭却喜同時上十洲琪樹葱蘢

僂仗外金貌縹渺

御香浮嵩呼

萬歲連塗巷鏡獻千秋近

冕旒此日春光渾似海

洪慈覆冒任遨遊

其二

萬壽詩 五言排律 八韻

生

員臣查克鎔

皇都春正麗

聖歷慶方周歡忭盈衢路趨蹠傍彩旛山川俱被澤動
植盡蒙庥臣效呼嵩瑞民喧擊壤謳貞符綿甲
子祥莢紀春秋和氣三光協仁心兩大侔高岡
集鳴鳳夾道擁扶旛願進三多祝

隆恩萬禩流

金定四庫全書

卷一百十八

萬壽詩

七言律一首

生

員臣朱泓

儀掌高擎玉露新宮花御柳麗昌辰三千禮樂
陪清瑣萬國衣冠拜

初合共識

恩波大地均

紫宸雞尾扇中開壽域獸爐香裏靄長春龍城佳氣雲

萬壽盛典初集卷一百十八

欽定四庫全書

吏部

萬壽盛典初集卷一百二十九

詳校官宗人府府丞臣竇光鼐

編修臣程嘉謨覆勘

總校官知縣臣楊懋

奏

疾

校對官助教臣卜維吉

謄錄監生臣張同履

欽定四庫全書

萬壽盛典初集卷一百十九

歌頌五十九生監諸臣十

禹壽無疆頌

集經
有序

生

員臣胡夢熊

臣聞元亨利貞廣大無加於乾德高明博厚悠

久莫過於聖人蓋盛德應於無疆斯壽身因以
壽國大業徵於不息而壽世益以壽身三皇御

世代擅大年五帝乘權時傳過歷夏商受籲克
享用以凝庥文武開基誕膺厥惟多福自采哲
后必得遐齡振古如茲於斯為盛欽惟

皇帝陛下

統貫三才

綱維萬有

握乾符而出震

履泰運以知臨

乃聖乃神乃武乃文德邁百王而上

自西自東自南自北功薄四海而遙

綏萬邦而仁為育義為正百姓昭明既錫福而保極

熙庶績而府以修事以和九功歌叙亦戒威而董休

積五十二年之旰食宵衣克勤克儉合千八百

國之民瘼吏治惟幾惟康喜

聖壽值夫揆初適

帝年正當鼎盛珠懸璧合重逢六甲之周雲爛日華纔

見一元之復海添壽而多益山獻壽而彌增八

表同歡兆人具慶天開闔闔

九重披離照之輝地簇衣冠六寓徧巽風之拂嵩呼

金殿千官鳴珮以來朝星拱

紫宸萬國獻琛而上賀統下土之戴高履厚羣依

有道之光華萃普天之負性含靈共祝

無疆之福祉允矣萬年盛事誠哉一代弘庥臣志殷

錫極學愧陳疇舉頭日近神遊鶴鷺之班極目

天高跡遠星辰之列躋堂而循邠俗願進一觥
擊壤而詠堯風擬申三祝用賡經語以効揚言
爰拜手稽首而獻頌曰

維天之命陰隲下民有相之道毗於

一人首出庶物為天下

君成性存存乃見天則濬哲文明溫恭允塞含弘光大
剛健篤實克綏厥猷下土之式參天兩地其道
大光奄甸萬姓寵綏四方增其式廓幅員既長

建其有極若網在綱左右有民率由厥正佛時
仔肩所其無逸思日孜孜不遑暇食柔遠能邇
亮采惠疇旁求俊乂周爰咨謀六服羣辟克壯
其猶知人則哲安民則惠既富方穀罔不咸賴
天施地生裒時之對布昭

聖武赫赫厥聲幹不庭方四海永清九有有截展也大
成建中於民彰善瘅惡象刑惟明式遏寇虐庶
獄庶慎萬民是若思皇多士有壬有林惟

帝時舉克廣德心三宅三俊大輶南金省方觀民式是
百辟告災肆赦時萬時億阜成兆民兆民允殖
相土烈烈來遊來歌

聖謨洋洋允猶翕河纊禹舊服九澤既陂地平天成以
康四海萬世永賴罔不率俾

帝德廣運無怠無荒有嚴有翼表正萬邦克寬克仁允
文允武赫赫明明

照臨下土光被四表各得其所無射亦保不顯亦承

聖敬日躋受之以恒福祿來求以莫不增重巽申命亦孔之厚鑒無不宜

天子萬壽有物有則耳目聰明以引以翼血氣和平

一人有慶萬國咸寧基命宥密施於孫子於萬斯年自

今伊始如月之恒如日之升大亨以正六位時

乘依其在京以受方國敷天之下會其有極知

微知彰知柔知剛顯顯印印穆穆皇皇日就月

將長發其祥降福穰穰

萬壽無疆

欽定四庫全書

萬葉集卷一百十九

五

萬壽詩集唐二十韻

生

員臣周師周

聖德超千古

宋之問

車書會萬方

陳陶

千門欣應瑞

李中

五嶺盡來王

李嶠

勲共山河列

崔曙

恩霑士庶

康

沈佺期

普天霑澤

許敬宗

率土慶輝光

張九齡

帛矜耆老

沈佺期

歌詩冠柏梁

獨孤及

立言成雅誥

李中

搖筆起風霜

李白

才傑俱登上

杜甫

邊城

詎假防

楊巨源

四時調玉燭

劉禹錫

萬里轉旂常

唐

太宗神武威無德盧肇徽猷柔濟剛李嶠觀風

隨按察孟浩然敦俗勸耕桑唐元宗煥爛聲明發張

文踪參差歌管揚賈玉焦勞皆實錄韓偓聲績

著周行唐元宗習習東風扇王轂油油

聖澤旁崔禹錫歌謠連上苑鄭畋雲物麗初陽李竦此處

雲霄近宋迪前攀鸞鶴翔李羣玉福庭增氣象盧

肇壽酒樂城隍杜甫符應千齡運陳陶功垂萬

世昌沈佺期生逢

堯雨露

徐仲雅

願補

舜衣裳

杜牧

北極星遙拱

杜牧

南山壽更長

梁鍾小臣

持獻壽

韋莊

惠化且無疆

王若岩

萬壽頌

生

員臣李樹德

皇矣

天子至德昭清受天之命居常以貞辟如天地博厚高
明其徵悠遠壽靡斯京其一

亹亹

聖德匪居匪康既勤

宮府以及四方薄海内外莫不來王曰

天子壽民說无疆

其二

休徵上叶景星在天瑞氣下應醴泉在淵俊民
以章百穀以堅曰

天子慶億萬斯年

其三

瞻彼中田禾黍麥菽粢盛馨香黎民是育

天子萬年貽我嘉穀

天子萬年宜其介福

其四

皇帝曰咨余維敬哉顧茲禎祥益厯余懷勉勉令德靡

止靡回允矣

天子五福方來

其五

天子之壽超乎古今

天子之德協乎高深如岡如阜如玉如金永綏四方上

帝之心

其六

金匱四庫全書

卷一百十九

萬壽詩 五言排律十四韻

生

員臣張廷琳

貞恒開景運
奎璧煥文光
久道昭千古
深仁洽萬方
乾坤隆

帝治禮樂飭

王綱

至德超三五

神功軼漢唐

九重凝福祉萬國靄春陽仁至靜而壽德純熾以昌華

衢三祝詠周室九如章瑞氣彌天煥形雲繞殿

翔廷呈金鏡錄杯泛紫霞觴鳳闕傳

綸綺鶴班藉朗匡昇平編雅頌芹藻叶笙簧多士騰懽

忭羣寮益豫康八絃歌有道四海頌無疆共沐

恩波永堯天日正長

萬壽詩

五言排律六韻

生

員臣孟帝

平成開泰運熙洽著升猷


大德年俱永

至誠業自悠有天皆浩蕩何土不懷柔茂育培楨榦歡

騰益海籌龍光承

紫極鳳翽出丹丘竊效南山頌

皇躬正迓庥



萬壽詩 五言排律二十八韻

生

員臣葉舒

瑞色凝珠殿薰風溢

帝鄉

一人初甲子萬國獻賡颺

大德乾坤運

欽明日月光巍巍齊泰岱崕崙巍義皇

讓號謙沖著崇儒理學彰修身敦孝弟勵俗振綱常

巡幸施膏澤登庸擢俊良春秋勤補助河海靖汪洋疊

沛蠲租詔頫頒宥過章

文謨皆典誥

武略邁周商預課司民吏弘開選士場褒功隆世裔尚

老錫冠裳禁苑松筠茂南宮翰墨香揮毫融八

法琢句駕三唐膺籞龍飛峻添籌鶴算長御雲

籠翠葆旭日浴扶桑碧嵒千年蘊青敷九節皆

觴稱

瑤闕下桃捧

御爐傍歷歷花羅錦嚶嚶鳥弄簧釣天仙樂奏雕罕絲
旂揚虎拜歡聲動麟呈淑氣翔車書歸正朔政

教訖遐方臣質慚蓬梗葵衷向太陽父曾叨

寵眷家共戴

君王喜遇昇平會欣霑雨露瀼晨昏瞻斗極躊躇空

蒼犬馬情彌切涓埃志未忘金甌綿永固玉歷

慶無疆

欽定四庫全書

卷一百十九

萬壽百萬頌

有序

生

員臣楊邦彥

臣聞盤古一萬八千年首三皇而建極伏羲百
九十四歲先五帝以開祥或推神策於軒臺得
天之紀或應瑤光於若水爲歷之宗莫不寶祚
靈長享無疆之上壽因而天休淳至集方富之

鴻圖欽惟

皇上

德合兩儀

恩覃八表

承乾膺籲齡齊日月之長

出震披圖治邁唐虞之盛

文教隆而三統備

武功定而九伐彰心有感以皆通澤無遠而弗屆開

闢未臣之宇咸奉車書光華復旦之民恒安耕

鑿固已宏開壽國地久天長廣覆春臺衢歌巷

舞矣慶屆陽春之三月恭逢

聖誕之六旬鳳歷編年周甲子而循環迭運

龍飛御極統元會而恒久彌光集萬國之衣冠梯山航

海開

九天之宮殿鳳翽麟遊煌煌千古之祥符皞皞兩間之

景運臣生逢

盛世幸際

昌期沐教養於高深橫經有日仰升恒於浩蕩濡翰

難名集古百言效三多之祝華敬稱

萬壽陳五福之齊天頌曰

天子萬壽詩經萬福攸同詩經萬邦惟慶書經萬國承

風樂府三稱

萬歲晉書萬物資生易經萬世永賴書經萬國咸寧易

經朝宗萬宇隋書公庭萬舞詩經於萬斯懼隋

書萬方觀禮齊書仁育萬物性理義正萬民性

理吹萬不同莊子萬表星陳魏書率育萬類宋

書為萬物主史記萬夫之望易經萬氣之祖內經

篇撫綏萬邦書經奄向萬姓書經師保萬民書

經萬流仰鏡文選商榷萬俗吳都賦萬世為福彌

子萬姓為心文選萬物竝育中庸萬邦作孚書

經萬方以祇藉田賦且萬且億文選萬民賴之東巡

誥萬理明淨論語言經萬世文選萬物我賴晉

書功流萬世文選萬國攸平文選式固萬世文

選於萬斯年詩經萬民以濟易經萬箱億庾梁

書

萬穴俱流

五車韻瑞

千門萬戶

漢書

萬福米求

詩

經

萬燧星繁

文選

萬騎雲屯

圓丘歌

萬殊之本

中庸

註

萬乘之尊

鄉飲酒賦知周

萬物

易經

萬物覆焉

易經中庸曲

成萬物

易經

萬物育焉

中庸

或相干萬子

萬舉萬全

漢書

萬物納慎

晉書

萬國陶甄

隋書

萬古一遇

文選

壽考萬年

詩經

萬福維新

唐類函

萬物化醇

易經

萬端麟

峩

漢文

萬祥必臻

聖主得賢臣頌

君臨萬寓

唐史

衣裳

萬國 樂府 萬萬有餘 海賦

時萬時億

詩經

萬億

及秭 詩經 非止萬幾

石闕 銘

大樂萬歲

漢詩

一本

萬殊 性理 以一行萬

韓詩 外傳

萬戶如一 文選

天子萬年 詩經 萬邦獻力

郊祀

萬寶增煥 文選 萬物一

齊莊子 呼吸萬里 江賦

萬國相維 文選

萬歲冰

桃拾遺 千枝萬葉 淮南

萬物以嘉

爾雅 以成萬

業五車 韻瑞 八萬法藏 漢文

萬物祖矣

賦 高唐云 云萬

有齊書 萬邦是紀 漢書

萬邦黎獻 書經

情固萬

端文選萬事既具史記萬國齊懼晉書萬世長

策

五車韻瑞

萬代一時

齊書

道行萬類

文選

萬物熙

熙

封頌

保茲萬方

郊祀歌

萬里呈祥

文選

經營萬

億

漢詩

萬舞洋洋

詩經

千秋萬歲

文選

萬壽無疆

詩經

萬壽詩七言排律十二韻

生

員臣王沖

北闕春融紫氣翔
禎符泰運歷逢昌
雲開璧月流華
諸風淨瑤樞
統電光瑞旭
舜廷賡復旦
晴霞軒
陞觀當陽八方獻
壽共球集四海
陳詩錦繡張
上苑花明縈劍珮
釣天樂奏應笙簧

文謨已著昭回象

武烈羣欽撻伐彰
雲雨施行多

愷澤風雷鼓厲屬

乾剛

成天丕績無平地

問俗殷懷更省方遂有

深恩蘇草木肯教薄海阻梯航九如自昔垂風雅百祿
於令效拜颺蓬島金芝從地秀瑤池玉醴自天
將小臣欣附衢謠後熙皞同游化日長

萬壽詩七言截句十首

生

員臣陳康元

瞳曨曉日上蓬萊周甲初逢壽域開童叟稱觴
齊抃舞山呼萬口一聲雷

其一

條風遲日景昭融惠霽恩膏薄海同黎庶已忘
熙皞樂太和元氣滿寰中

其二

端拱垂裳仰化神清時盛治更無倫雕題窮髮梯航徧

四海尊親奉

一人 其三

閭闔初開曉箭遲
蒼蒼春色靄
采惠冠裳雍肅

臨軒早鹵薄分行侍玉墀

其四

宮花苑柳麗昌辰處處雲璈絲翠新邀得

至尊添靉色一時繡陌十分春

其五

郊圻酺樂歲時豐比戶含哺祝華嵩青鳥乍來

齊跂望彩旛仙樂繁雲中

其六

一德虞廷共拜颺昌期髦士慶觀光躋堂漫獻

千秋鏡日月中天照萬方

其七

糲縵御雲拱

御樓河山長此翠金甌緣知五福箕疇備瀛宇初添第

一籌

其八

六宇同風樂太平瞻雲就日共抒誠歌謠擬效

康衢意

蕩蕩巍巍不可名

其九

鳳闕觚稜傍五雲遙瞻佳氣自氤氳小臣拜手無他

願天保升恒頌

聖君其十

萬壽頌

生

員臣任湖

欽惟我

皇上

聖冠勲華

壽參天地

金符長祉隆教育之豐功

瑤籙永年凝君師之駿命臣民歌舞羣抒介壽微誠

遠近悅來共仰作人雅化允邁百王上治誠符

元會昌期

宵衣旰食之猷已垂謨訓

規天條地之德盡播聲詩茲者

宸歷甫周花甲樂調風順雨之良辰

天心自協輿情喜就日瞻雲之嘉會浮河互老瞻左个

而來朝輯瑞九州坐華堂而受賀湛露與鸞旛

並遠虎拜千官惠風隨豹尾俱翔嵩呼萬國臣

湖生成

聖世沐浴

王畿戴

高厚以懷慚敢擬九如之頌仰

龍光而敬祝虔稱

萬歲之觴頌曰

當令

聖皇祉纂方昌三才竝位五緯齊光龍德中正天行自

強

恩深四海

德被八方歡騰黎庶祿眷寧蒼維茲華節司候勾芒瑤

光貫月蒼帝臨房

神聖篤生允協嘉祥甲子甫周

景祚積慶爰開

閭闔坐於明堂九州玉帛萬國圭璋東漸西被山海

梯航鈞天齊奏仙音寶坊敷天之下罔不稱觴

或流雲液或瀉桂漿下逮父老同酌兕觥萬人獻

壽萬年壽長青陽布德百卉芬芳露零赤黍日照柔桑

十日雨沛五日風颶嘉禾瑞麥千倉萬箱休徵
稠疊降福穰穰自古蕃熟六合歡康百年教育
多士濟蹻共遵王路咸示周行驛鰥千里控馭

康莊東連閩越北訖幽荒趨

闕祝壽彈冠促裝

聖朝之澤如露瀼瀼每逢十載更啟文塲苑畜祥麟材

收豫章鶴鳴琪樹鳳噦高岡

殊恩莫報厚祿難償

聖教所敷恭已巖廊王度是式金玉其相統接杏壇道

法紫陽羲文易象堯舜羹牆宣暢六經義窟微

茫成章焜耀天文七襄揮毫

藻殿得句林塘筆搖五嶽詞映三湘字重上估學富

書倉人瞻月露家誦琳琅

文德孰竝

武功難量謀深幃幄策定金湯神機獨運龍騰高驥兵
驅羆虎劍掃欖槍克除跋扈實靖披猖百粵拜

手滇黔掩吭燕然封雪沙漠凝霜旌旗西指鴈
塞來王河流淼淼海水泱泱永成堤岸久罷舡

艦

方畧親授韜鈴莫當料人運掌闢地探囊龍君効順河

伯望洋三山鬱鬱淮泗湯湯恢廓鴻績簡冊輝

煌三上

尊號猶讓未遑多能天縱藝事精詳日月定位星宿分

張音諧律呂氣辨笙簧數推三角弓發大黃秋

擒白額冬獵黃羊樂和天籟聲召鸞凰手拈筆

札親纂縹緲

宸襟粹美令聞令望

賜租退責歲以為常刑措如周開網如湯

天心本恕陽德尤剛百寮整飭

神威肅將羹調金鼎溪釣玉璜銓衡清厲訟絕杼楊倉

廩鎖鑰山林禁防禮司宗伯武戢天狼祇承

寶訓業著垂裳民調寒燠時若雨暘

仁同覆載

功邁軒唐康衢擊壤

帝力相忘幅員無外時際明良易占恒久詩歌壽臧

天德難名庶竭中藏敢効華祝

萬壽無疆

金華山人集

卷一百十九

萬壽詩

四言四首
七言律四首

五言律四首

生

員臣周監

我

皇神聖古莫與京德暨函夏澤漸萌生堯階賞英壽域

天增下土拜颺第祿永膺

其一

遐觀往聖崇本後末問寢視膳彝倫攸植尊養
無至孝思維則祿位名壽大德必得

其二

天開景運世際昇平

垂裳而治體乾健行春風春雨惠我羣生九圍式化載

歌載賡

其三

宣聰宣明我

皇作則乃啟乃沃從敬是吉緯史經經朝乾夕惕詢於

黃顧萬世不易其四

瑤圖綿寶厯玉笈著長生貢獻重三譯聲歌叶
九成熙熙元有象蕩蕩莫能名羽葆迎仙駕行

厨進兕觥

其一

南極祥光燦西池瑞靄浮椿齡常不老花甲數
從頭酒自麻姑勸桃從曼倩偷絃歌鳴皞皞人

世有丹丘

其二

聖主齊年日雍熙萬盛唐梯航來玉帛雲漢富縹綿
帝力歸何有民情頌不忘小臣瞻仰功稱祝介無疆

其三

旭日龍樓曉當陽

帝德全箕疇膺五福莊算衍千年

黼宸和鸞盛

彤庭振鶩鮮萬邦歌惠愛川至日升篇其四

天開壽域燦長庚問夜如何夜向明

闕下春臨雙鳳集車前雲捧

六龍迎西循弱水來金母北抵崆峒見廣成

聖世無為安作息臣民有幸樂昇平其一

輯瑞朝端職貢殊太常引贊效嵩呼桐花始放

御雲爛榆火初燃湛露濡四海無疆綿

聖壽萬年有道亘

皇圖

天恩寵渥傳宣急勅賜瀛臺有大酺

其二

絳節霓幢下九天
螭頭嵩祝會羣仙
祥符貫月歌重旦
慶洽流虹享大年
味溢金莖梨徑尺
香生玉液藕如船
霞觴獻自餘杭姥
不用方平買

酒錢

其三

午夜鐘聲報曉朝
尚方重獻漢宮桃
星臨燭影開朱戶
煙靄爐香引赭袍
曉樹流鶯金縷曲
晴

梁語燕紫雲璈作人雅化垂無極臣為吾

皇賦譽髦其四

萬壽詩 七言律四首

生

員臣秦應陽

閭闈昭融氣象新萬年

聖節正陽春和風浩蕩迴芳野旭日瞳曨耀

紫宸道蘊苞符開壽域厯環枝榦轉鴻鈞川增松茂申

歌詠永賴

皇圖佑下民其一

華渚虹流溯發祥瑤宮佳氣護

垂裳中天廣大星雲燦薄海雍熙日月長疇範總歸
皇建極乾坤應并壽無疆西山直與蓬壺接桃實方傳

萬歲觴其二

聖德含弘養太和風傳泮渙協菁莪羣工喜溢三多祝
髦士恩承

萬歲科豐稔已占禾幾穗安恬早見海無波清寧景象
誰摹繪只有聲聲擊壤歌其三

萬國瞻依仰

聖顏昇平樂事滿人寰鳳鸞絲管紅雲外錦繡樓臺碧

漢間扶杖紛米朝

北闕獻芹齊許祝南山草茅最幸

龍光近進頌容隨鵝鷺班其四

金匱四月全書

卷一百十九

萬壽詩 五言律一首

生

員臣魏雲

繞電欣良月

璿圖有道長雲翻五色曉鶴舞

萬年觴玉露天開瑞神芝地獻祥蓬萊真不遠瞻拜肅

冠裳

欽定四庫全書

卷一百十九

萬壽詩七言律一首

生

員臣朱承恩

華闕丹山仰

帝都天申佳節應祥符蒼生久沐雍熙治黃閣新霑雨
露敷秋水魚龍神變化春風桃李氣昭蘇太平
景運留終古屹見文河出瑞圖

萬壽詩 七言排律十二韻

生

員臣黃之洵

閭闔弘開化日長
寰區競進紫霞觴
籌添海屋呼嵩岳
樂奏簫韶繞上方
萬國朝宗歌有道
千官拜手祝無疆
金甌卜歷河山永
玉燭調元日月光
八百春秋周甲子
三台奎璧耀精鉉
網開俊乂弘遴選
會起風雲慶對揚

鳳詔頻宣來紫禁
龍門淨躍盡思皇
致身自得詩書效

華國行看黼繡彰鎖院風清文作錦棘闈春暖
字生香嘉賓式燕瑤池醉吉士承歡杏苑翔自
是休明增福祉共知清宴樂平康

聖神文武超皇古億萬斯年頌熾昌

萬壽詩七言律一首

生

員臣魏鵬

天際長庚映

紫宸作人

曠典下絲綸澤施棫樸

殊恩重算等岡陵甲子新白玉階前紅日曉黃金殿上

碧桃春昇平共樂明良際願祝春臺感

至仁

金定四庫全書

卷一百十九

萬壽詩七言律一首

生

員臣唐貞觀

聖主雍熙洽萬方賢良喜起煥文章千官競進南山頌
多士羣稱東海觴紫氣乍浮仙掌露紅雲遙接
御爐香普天率舞休徵集

萬歲歡呼祝未央

金定四庫全書

卷一百十九

萬壽詩七言排律十韻

生

員臣楊瑛

詩賡天保頌如岡世際熙和萃百祥宮柳籠煙
春正麗階蓂含露日初長

御爐香靄飄仙仗

紫禁鐘嚴肅袞裳屢慶年豐歌有道欣逢

聖壽祝無疆

武功全定昇平久

文治休昭日月光樂奏南薰揚白雪尊傾北斗瀉天漿
宏霑雨露覃多士遠沛

緣綸及萬方大地羅才儲朗贊儒生報國顯文章西山
桂馥開瓊宴南國桃舒攢錦囊歲歲菁莪選

異典歡逢景運軼陶唐

萬壽詩七言排律十韻

生

員臣賈應元

萬國嵩呼百福同

九重廣闢四門聰雲開鳳闕

天顏喜日麗瑤池壽域崇靈草堦前三秀紫仙桃枝上

萬年紅鳳銜

丹詔恩何溥鶴舞

彤庭日正融共獻瑤觴三月裏爭看蘊榜百花中千

官虎拜隨仙仗

三殿龍光貫采虹柳汁染袍明

玉陛桂香盈袖映蟾宮九成仙樂簫韶進八表才人

頌壽工玳瑁筵開霞燦爛珊瑚網盡玉璁瓈綿

綿寶歷齊天慶願效華封祝

聖躬

萬壽詩 五言排律 十二韻

生

員臣朱韓

帝德符天運

皇心協健行堯階弘雨露禹甸躋昇平遲日江山麗和
風歲序清六旬周甲子八表慶長庚

寶厯傳金鑑

丹宸獻玉觥九如懸虎拜三祝雜鸞笙南極輝長耀

文昌瑞早成章從雲漢煥星看玉衡明秋實垂

垂攢春華燦爛呈

九重施渥澤多士戴殊榮覆載真同量勳華未易名普

天歌

萬壽嵩岳應連聲

萬壽詩 五言排律二十四韻

生

員臣劉文煊

世際雍熙盛躬應寶籙昌虹流符運會雷繞叶
禎祥敷敍齊軒后平章邁聖唐普天同樂育曠
代遇明良恰喜薰風度無欣化日長呼嵩爭虎
拜摺笏列鵝行共效三多祝咸稱

萬壽觴瑤琨通卉服筐篚徧梯航擊壤歌初起釣天樂
未央獻琛傳絕域執玉自遐方

德被無雷國

恩覃出日鄉九州歌樂土百辟盡來王為進岡陵頌還
依雲漢光禁鐘聞遠近庭燎羨輝煌舞蹈瞻圭
璧賡颶雜珮瓊歡呼洽士女愛戴極要荒梓燭
明歌席爐香襲舞裳

天威凜咫尺臣職肅趨蹠絳節來蓬島青鸞下建章銅
盤承玉露金椀注瓊漿居鑄詠魚藻登臺賦柏
梁數當符二策歷自邁三皇卜世真堪羨添籌

詎易量小臣何以報長此頃無疆

萬壽盛典初集卷一百十九

欽定四庫全書

萬壽盛典初集卷一百二十

歌頌六十 直省耆庶

萬壽詩 七言律二首

布

衣臣顧景軾

仙仗遙開出柳堤

翠華來自鳳城西九衢日色迎

車駕十里風和傍馬蹄到處花村都擊壤及時繡陌正

耕犁歡聲雷動騰朝野

聖壽無疆天與齊其一

帝城綠翠結樓臺簫管瓊筵處處開

雲輦九重雙鳳下海山三月六鼈來安期火棗攜瀛島

金母蟠桃映壽盃地久天長呼

萬歲年年春色醉蓬萊其二

聖德詩

五言律二首

布

衣臣楊峻

聖主當龍御長綿玉厯期萬年成久道億載頌

昌時丹鳳

恩波溢珠淵制作垂升恒方未艾天保願賡詩

其一

解網連年被蠲租幾歲頻太平真有象

至治洽無垠擊壤家家謳歌衢處新

小臣逢

聖世翹首上林春

其二

金匱要略

卷一百二十

聖壽無疆詩 七言截句二首

布

衣臣王觀

聖壽無疆甲始周壽開

聖域共蒙庥萬千耆耆來歌德車賜蒲輪杖賜鳩其一
聖壽無疆億萬年齊天

聖祚自綿綿卜年卜世還過厯咸五登三更軼前其二

萬壽詩 七言律一首

布

衣臣金世鉞

維

皇至德邁陶唐
湯穆淳風被萬方
象緯包涵綿道脈
苞符點畫燦天章
河濱瑞氣騰龍馬
阿閣祥雲舞鳳凰
耕鑿優游皆帝力

草茅何以報

垂裳

萬壽詩五言排律二十二韻

有序

布

衣臣馮守典

臣聞詩傳天保景運綿長書美時雍昌期恒久
塗歌巷舞普天申嵩嶽之呼歲稔人和率土效
華封之祝是以備大德者必得大年敷純治者
多膺純嘏康衢擊壤兆民切愛戴之誠瀛宇添
籌薄海遇升恒之會歡騰八表喜溢三春欽惟

皇帝陛下

仁壽天長

遐齡地久

德超羲昊道以大而難名

治駕商周福更洪而莫量統往代不賓之疆域開前

王未闢之山川凡茲奕禊之鴻模總出

九重之英斷蓋微無所不照而惠無所不周在風俗已

躋於雍熙而

聖主愈深其愜厲

省方問俗八荒之望幸彌殷

御世誠民萬類之霑濡普偏千萬鑑正供疊赦億兆姓

安堵久承縱地厚天高詎形

寬大而江涵海闊莫喻

洪深令當甲子初周正值昭陽屆令臣宇典才疎巴里

家受

國恩渡春江而就

日虔祝長庚叩

曙闕以陳詞恭抒誠悃謹拜手稽首而獻詩曰

聖壽天為則綿長歷萬春遐齡地共久嘉樂際昌辰華

祝逢三月嵩呼慶

一人賡鶻歌

帝德愛戴感

皇仁有道乾行健無為化育均蒸黎咸樂業宇宙共還

淳

至治超前代

良謨造大鈞波恬深島靜政肅百僚循約慎三章法租

蠲歷歲縉移風恒

訓飭問俗幾

時巡規畫羲皇上疏防神禹倫

恩覃南國徧惠滿大江濱在鎬咨籌裕居豐撫恤頻金

甌承鞏固

玉殿美絲綸禮樂芸臺作詩書虎觀論吟篇追雅頌灑

藻勢嶙峋浩蕩科添設昇平景聿新琪花鋪似

錦瑤草結成茵億萬載喬嶽八千年大椿簫韶

聲沸沸桃杏葉蓁蓁霞綵連雲漢爐香達

禁闈天長與地久歡洽祝

楓宸

萬壽詩七言律三十首

布

衣臣何元坦

帝曜光聯華渚虹昌期慶溢

紫微宮果恩書捲祥雲裏闔晨開瑞靄中百辟咸
歌百福備萬年獻頌萬邦同

皇輿此日真無外常信虞廷景運隆一東

堯年億兆慶奇逢

帝德如天雨露濃

壽考作人飛緣鳳青陽行令駕蒼龍三公喜起趨三殿

九有歡呼達

九重仰看瑤樞光繞電拜颺更欲效華封二冬

幅員遼闊古無雙異域歸心萬里降赫赫

王師非好武煌煌

聖畧永安邦鳳輿日馭臨

宸幄鸞旆雲飛繞

御牕會見臣工多紀載千年青史燦銀虹三江

草木露

恩識盛時柏松齊獻萬年枝青垂

御苑朝偏好綠草

仙宮晚更宜夾道鋪雲迎羽騎迴廊帶露拂雲旗無疆

應肇

君王壽影動依稀拜玉墀四支

鶯哢春城萬綠肥

大廷佳氣籠朝暉千門管鑰環青瑣萬國冠裳傍

紫微

御墨光騰玉案硯宮花香拂侍臣衣東皇欲獻

彤廷祝遲日條風滿禁闈

五徵

乾清嘉宴翠簪裾樽俎新排樂奏初

聖酒霞生白玉筭

天厨銀燦紫鱗魚果傳西域龍文馬膾運蓬萊鳳羽車

甘露金盤呈進後侍臣咸沐大官餘

六魚

一堂喜起慶都俞

聖德巍巍四海敷
取士無方昭

盛典蠲租有詔懋

皇圖伶官侑食宣

天樂仙子稱觴捧

帝壺豈獨侍臣魚藻詠還聞父老頌康衢七虞

皇躬仙算共天齊到處名山

御筆題璀璨

宸章輝宇宙巡行

鳳輦徧東西遺編舊搨千金購秘笈奇書萬國齊一代

文明昭

聖化琳琅圭璧燦虹霓八齊

御書淵鑑自名齋俯視晴川愜

聖懷底定百年澄濟潔安瀾萬里奠江淮水皆效順寧

須淪河盡朝宗不用排源遠流清開寶鏡

聖明萬古照無涯九佳

六御巡行徧八垓

九重壽域自天開十洲瑤草金為砌三島琪花玉作臺

喬木遙從

丹禁茂大椿齊向

內廷裁共傳青鳥雲中見

帝里應知阿母來

十五

暢春春色十分春馳道紆徐達

紫宸待

蹕宮桃迎絲仗承

恩御柳迓金輪萬方獻壽當三月四海稱觴慶

一人遙望鎬京開宴後仙盃次第到羣臣十一真

禁城淑氣繞氤氳春色蒼蒼日漸昕香裊爐煙看似

霧影搖旆帶堂如雲金罍徧向金門賜玉饌遙

從玉殿分朝野霑

恩咸拜手吾

皇聖算邁羲文十二文

五雲深處是端門劍珮蹻蹻禮

至尊丹陛彤廷初拾級黃旗紫蓋早

臨軒臣民共識

天顏喜中外欣傳

詔旨溫更幸銜

恩陪宴樂流霞滿酌進堯樽十三元

祥雲麗日繞

金鑾八表同風處處歡僻壤梗頑熏禮義遐陬鱗介

化衣冠

王言直共乾坤大

國祚還同磐石安玉漏猶遲雞未唱東華門外簇朝

官十四寒

瀛臺佳氣接西山路達金鼈玉棟間長白萬峯從北
繞蘆溝一水自東環百靈護蹕趨

宸幄四海傾心仰

聖顏科目殊恩真異數簪花恰喜預朝班十五刑

香騰玉案噴龍涎仙仗齊班慶萬年堯殿蓂開

符寶歷虞廷獸舞協鈞天聲傳鼂鼓開宮扇光

徹金門啟

御筵歌徧九如人既醉油油環侍

袞衣前一先

風動時雍鼎鼐調

皇家瑞氣滿丹霄千門魚鑰黃金勒兩陛螭文白玉雕
鳳舉九天騰煥彩鵬飛萬里遂扶搖花驥駿馬

雲衢躍報道

君王正早朝

二蕭

時逢景運泰初交，瑜瑾同登類拔茅。
萬國英賢歸上舍，百年遺老養東膠。
談深宣室雞三唱，炬徹金蓮鼓四敲。
豈但鳳鸞棲得所，鴦鷺也得一較勤勞萬年。

枝巢

三首

恭已垂裳擁褚袍，通明殿外紫雲高。
金盤霞裏如瓜棗，玉篚冰攢似斗桃。
直共羲軒敷德化，寧同子姒

較勤勞萬年。

聖壽知無極甲子從頭起大撓四豪

千秋曠典育菁莪

聖節宏開

萬壽科杏代桂花迎俊傑秋開春榜笑嫦娥不聞梁灝
嗟遲暮共喜劉蕡入網羅應識

殊恩垂永久棘闈遙望綠雲多五歌

御雲爛熳燦如花玉珮金鑣慶未涯禹稷功成
時豫泰臯夔績著日光華鶴行鷺序千官騎虎

貢龍驤百辟車選舉已登三代盛良臣入夢更

宣麻六麻

星河歲歲燦農祥蔀屋騰歡豐且穰瑞貢千航

隨厥土琛輸萬國裕

天倉青連南畝甘霖沛綠滿東郊曉露瀼賦稅頻蠲

民樂業裁培國脈益延長七陽

廟算無遺海甸清八埏咸喜際昇平兵銷戈止

皇仁懋武偃文修

帝業成邊塞聞風徹夜析蠻邦帶雨樂春耕遐荒僻遠

無知識也望堯階祝

聖明八庶

植禾鋤莠萬邦寧

盛世全消貫索星

天澤宏施敷雨露

皇威丕振霽雷霆訟清政簡人皆樂俗美風淳戶不扃

四海一時咸向化虞廷直欲頌無刑

九青

檮榦棫樸一時登梁棟何愁任不勝百度就繩

咸適用八材庇化各呈能琅函瑤版文章重大

呂黃鐘器量宏共慶

盛朝無棄物紫闈常見紫雲騰

十蒸

御氣遙騰五鳳樓禁中海淀喜

宸遊青岑綠樹雲邊聳翠羽霓旌水上浮仙鹿銜花迎

鳳輦遊魚排荇迓龍舟芳辰行慶

皇情愜艷舞妍歌幾度留

十一尤

玉殿崔嵬禁苑深

翠華遙向九霄臨雲官

丹陛含雞舌虎將

黃扉部羽林萬里風雲欣會合四時魚鳥樂飛沈自

慙葵藿生蓬草望

闕難忘捧日心十二侵

麟趾闕眸

帝德覃推恩宣獨頌周南

道彰宮壺仁兼孝

化洽家邦樂且湛疊

沛陰膏功邁五頤

頒鉅典治同三緬思六十年來政上下流行天地參十

三覃

咫尺

龍顏喜共瞻文華殿閣午風恬金爐香裊紅蘭省銀燭光搖翠羽簾尤有歸仁忘遠近四時合序遂洪

纖年年海屋春常在願把仙籌萬禊添十四鹽
天下和平萬姓誠

皇恩汪濊八方銜龍荒廣進來庭表海澨遙飛納貢帆
雀躍羣黎遊壽域嵩呼野老出重巖禎符更向
楓宸達石室天書啟玉函十五歲

欽定四庫全書

卷一百二十

萬壽詩七言律四首

布

衣臣李惟愈

紫宸瑞色靄蒼蒼遐邇嵩呼祝

聖皇萬里河山開壽域

九重雲日煥天章洪鈞乍轉陽和永甲子初周歷數長

華渚恰逢虹繞後羣仙簇仗獻霞觴

其一

物象恬熙海宇清車書禮樂暢休明圖呈龍馬

三才會韶引鸞鳳九奏成有象珠囊懸日月無

疆寶歷紀昇平

聖朝文教遐陬洽已見天樞正玉衡其二

東郊農事動芳辰

鳳輦巡遊物候新霄漢即令多雨露江山何處不陽春

兩岐瑞麥生青隴九穗嘉禾獻

紫宸蠲賦頻

頒寬大詔康衢擊壤盡堯民其三

長庚影裏啟晨光風動爐煙裊御香瑤島蟠桃

千歲熟玉階仙杏萬年芳

帝齡直與乾坤永

聖世咸知日月長何幸草茅逢盛事從茲奕世祝無疆

其四

欽定四庫全書



卷一百二十

萬壽詩 五言排律十八韻

布

衣臣朱芳巖

聖紀原無量

皇齡進六旬

彤墀輝旭日

春殿慶良辰品物承鈞造羣生盡化醇嵩呼聞已數
華祝聽尤頻大道彌霄壤深仁洽羽鱗觀民勤
愛育養士盡陶甄甘雨滋青甸祥風溢

紫宸

九重弘保合四表悉尊親

龍德時行健

天禧日見臻永隆千代祚不佑萬年身東海瓊危滿南

山淑景新騰鸞胥父老躍舞徧臣鄰火棗連枝

獻冰桃帶蓋陳星雲齊見瑞草木竝呈珍倚玉

芝常秀巢林鶴最馴銀潢真浩瀚華嶽更嶙峋

上苑榮松柏芳郊毓鳳麟仰惟

天子壽長樂太平春

欽定四庫全書

卷一百二十

萬壽詩

五言律二首

布

衣臣
李天錦

淑氣麗芳辰蓬壺瑞靄新山應呼

萬歲樹亦號千春白鹿遊林圃青蓮出水濱禎祥歸有

道南極耀

楓宸其一

日麗和風暖春波瀛野塘

湛恩深似海

多壽祝如岡玉帛聯羣辟車書會萬方臣民齊拜舞歡
躍頌無疆其二

萬壽詩

七言律二首

布

衣臣李泳

太平天子壽無疆滄海恩波雨露瀼佛日仙霞雙闕敞

吳綾蜀錦九衢張臣民喜奏琅璈樂川岳欽陳

沆瀣觴共祝三多呼

萬歲我

皇功德勝軒黃其一

萬年

聖壽祝如嵩臣庶歡呼萬國同闔闔門前瞻節仗芙蓉
闕下觀山龍青虹紫電旋天上碧藕冰桃獻禁
中自古修齡歸有道升恒日月算何窮其二

萬壽詩

七言律四首

布

衣臣文永豐

曉開闔闔

駕臨軒瑞日晴懸紫鳳垣鶴鷺千官環斗極車書萬國
會屏藩雍雍禮樂威儀盛濟濟衣冠氣象尊
聖代昇平起萬古普天稱慶到金門

其一

垂裳景運協中天披拂薰風聽五絃百歲老人

頌大酺

九重春色徧瓊筵瞻雲就日三千里

厚澤深仁億萬年草莽何緣躬拜獻嵩呼聲徹

鳳樓前其二

宏猷默運啟昌期

天縱聰明萬世師

壽域皇圖同孔固

天章宸翰共昭垂

恩綸海宇雍熙日春洽人情燕喜時

雙闕拜聽仙樂奏願隨百獸舞堦墀

其三

綵勝雲和夾道迴禁衢春色擬蓬萊桃含嬌靨

迎仙仗鶯度清歌引壽盃

萬歲正從花甲始一生頻沐

聖恩裁

小臣

謹獻岡陵頌敢望

天顏一笑開

其四

欽定四庫全書

卷一百二十

萬壽紀

恩詩 七言截句二首

江南蘇州府常熟縣耆民臣蔣拱辰

黃衣鳩杖列分行鹵簿前頭拜

聖皇邀得

至尊親駐輦老人齊進萬年觴其一

金盤

勅賜上方珍萬口歡騰紫陌春玉麪蟠桃紅壽印

親王手裏給著民

其二

萬壽詩

五言律九首
有序

雲南楚雄府南安州者民

臣

錢潞

康熙五十二年春王三月恭逢

皇上六旬萬壽普天同慶率土騰歡草莽耆民

臣

潞

生成之德六十餘年爵躍歡欣倍萬恒品謹自

滇南匍匐京師仰效華封之祝欽惟我

皇上繼天立極久道化成文德武功彪炳霄壤

臣潞遠

方黔庶莫能頌揚萬一敬採滇全省土俗民

風謳歌

聖德之盛繪為九章以仿天保九如之意恭呈

睿覽不勝歡忭悚切之至

普天同慶

兩儀符

帝德五福斂

皇躬玉帛千方集梯航萬國同堯樽開北斗舜樂動薰

風僻遠滇南地傾葵結寸衷

曠典開科

乾坤齊壽域學海沛

恩波花結長春樹人逢籲俊科儲材看棫樸時雨偏菁
莪久道文明化堯衢擊壤歌

蠲免錢糧

殊恩超曠古耕鑿樂陶唐戶罕催科擾農惟力作忙昇
平藏富足至治有馨香鼓腹苗蠻俗光天化日

長

匾額輝煌

天章頒渙汗南海仰陶甄造士期無偽崇儒自有真金

橋堪永鎮

寶翰更長新於變時雍世生成教養仁

御書育俊二字賜昆明書院虹飛彼岸四大字賜永昌

鐵索橋煌煌

宸翰輝映中天涯海士民萬代瞻仰

文風丕振

聖主敷文教風聲暨海隅心源宗孔孟理境徹程朱黜

冗還崇雅刪膚已就腴起衰功萬穉窮髮盡喝
喝

官吏奉法

百寮承

德意惠此海南天奉法冰霜凜宣慈愷澤傳嘉禾呈
聖世甘露降豐年

帝力忘何有謳歌徧市田

土司懷德

皇恩春浩蕩苗俗久歸心異域陽和浹敷天化育深

聖謨溫似玉

王度式如金血氣尊親奉嵩呼振海岑

康熙四十八年
姚安軍民府同

恩准陞
見歸滇宣揚
知高厚德

聖訓苗蠻感戴如躋春臺

開設礦廠

聖主因民利

恩綸沛大廷山應興寶藏地亦效神靈商旅胥安業閑

民盡戢寧嬉遊歌

帝載峒戶總添丁

礦廠業開設俗益豐饒商民俱安分樂

夜戶不閉

俗易濡

皇化時和樂歲豐佳苻胥斂跡草木盡從風結綵懸蓬

戶焚香祝

聖躬天長與地久歲歲效呼嵩

殊方感化道路太平已成路不拾遺之俗

欽定四庫全書

卷

一百二十

欽惟我

皇上膺圖出治久道化成聖德神功與天無極康熙五

十二年春恭遇

聖誕六旬萬壽海嘯歡騰敷天慶協祝嘏遍乎絃挺梯
航萃於

輦轂熙熙皞皞履春臺登壽域覆載以來未之有也

於是前兵部侍郎臣宋駿業代臣民籲請恭繪

萬壽圖以傳盛事乘之永久而臣兄戶部侍郎臣原祁

繼掌其事臣原祁言圖以象形史以紀事故自

古有圖必有史特請修

萬壽盛典隨奉

俞旨選員編輯五十四年十月臣奕清復奉

恩命接管

萬壽書畫局事今年十一月長至日初集告成共為書

一百二十卷內附圖畫二卷並校對刊刻恭呈

御覽臣因得拜手稽首鶻言於簡末蓋聞上古之世三

皇篤生壽俱萬有千歲然而世紀荒略典禮未
聞自唐虞以迄成周並享祚靈長然其時祝聖
壽者不過若華封三多之祝天保九如之頌而
外此未數覩也漢唐以後蓋無聞焉惟我

皇上以不世首出之聖人膺亘古未開之景運天人協
應福德兼隆澤普恩洋化神治盛真有圖繪之
難窮而頌揚之莫罄者是故紀

宸藻則煥乎日星昭於雲漢詔誥協典謨之美詩歌諧

雅頌之音紀

聖德則萃萬國之歡心以隆孝養却九州之籲請以示
撫謙保合太和敦崇教化景命所以日隆茀祿
於焉永康也紀典禮則朝賀有儀鑾衛有制祭
告而百神受福布詔而八表蒙庥敬養高年肆
行大酺商皇巨麗典則永垂紀

恩賚則宗戚之與外藩大僚而迄庶尹

貳封錫類恩覃中外又復蠲賦卹民開科惠士勞軍旅

則邊陲挾繙省刑罰則文網弘開深恩厚澤殆不勝書紀慶祝則會朝陳萬國之衣冠拜舞集千官之劍佩外而元侯之觀享遠而望嶽之祝釐神人景從休徵疊應紀歌頌則上逮天潢下沿羣辟史館載筆之臣上國觀光之士以至塗歌巷祝天籟同聲斯又康衢擊壤之世所未聞而結繩書契以來所僅覩者也臣奕清世受

國恩恭逢

歲際幸預纂修之末得觀

大典之成雖

帝德難名未免掛一漏萬之慮而臣心忭躍無任繪天

頌聖之忱臣又伏念天道運行循環不已故皇

極元會運世之數歷億萬百年而未有紀極我

皇上元化渾淪體天不息德皆天之德也壽即天之壽

也臣等仰測乾元推行皇極從此每遇十年編

纂一書殆萬萬年而未有艾也夫

右臣恭奉

聖旨校刊

萬壽盛典初集於康熙五十四年春正月開雕越明年
冬十一月校刊告竣計二千七百三十五版五
十三萬四千四百八十八字為書一百一十八
卷合畫圖二卷為一百二十卷次第進呈

御覽欽惟我

皇上盛德在躬至仁及物如天之覆如地之載如日月

之照精神洞徹元化流行萬物致和五辰協叙
正值千載昌期共慶六旬

聖壽黃輿告瑞蒼昊降符萬國會同八絃鼓舞於時

翼恩彌溥

乾德彌謙一言出而天人協萬口呼而嵩嶽應奇逢曠
典口不能名爰輯成書用昭萬世巍乎煥乎盛
矣美矣臣躬逢泰運世受

隆恩初列曹司即膺重任絕無難鶩之長略辨豕魚之

悞心麤質陋祇抱慚惶乃荷

洪慈曲加覆庇兼許臣父兩廣總督今陞兵部尚書

臣趙弘燦臣叔總督管直隸巡撫事臣趙弘燮及

臣之垣姓名竝得附列於後

寵光疊被震悚交懷鏤版既成反覆誦讀仰窺有爛之

文實表無疆之瑞普天慶祝願

寶算之齊天大地謳歌感

湛恩之匝地臣不勝欣忭踴躍忘其材劣分卑敬紀數

言贊於卷末若夫百靈之所以効萬福之所以
集羣黎之所以感庶績之所以凝則皆自我
皇上聖德神功參天兩地之所致高深莫量廣運無窮
閱十年而成一集積至百千萬卷未能殫述又
豈管窺蠡測所能頌揚萬一也哉